



অবিলম্বে প্রকাশের জন্য: 11/24/2025

গভর্নর ক্যাথি হোকল

মানসিক স্বাস্থ্যের মাইলফলক: গভর্নর হোকল দায়িত্ব নেওয়ার পর থেকে নিউ ইয়র্ক জুড়ে 1,000টি মনোরোগ সংক্রান্ত শয্যা খোলার ঘোষণা করেছেন

ব্রঙ্কসের মন্টেফিওর আইনস্টাইনে স্টেটের অর্থায়নে পরিচালিত নতুন শিশু মনোরোগ কেন্দ্রের উদ্বোধনের মাইলফলক তুলে ধরেন

মানসিক স্বাস্থ্য সংস্থানের প্রতি গভর্নরের প্রতিশ্রুতির উল্লেখযোগ্য বৃদ্ধি

গভর্নর Hochul (হোকল) আজ ব্রঙ্কসের নিউ ইয়র্ক সিটি চিলড্রেন'স সেন্টার (Children's Center) ক্যাম্পাসে যুবাদের সেবা প্রদানের জন্য স্টেটের অর্থায়নে নির্মিত 21 শয্যা বিশিষ্ট একটি নতুন মানসিক চিকিৎসা কেন্দ্র খোলার কথা ঘোষণা করেছেন। স্টেটের অর্থায়নে মন্টেফিওর মেডিকেল সেন্টার (Montefiore Medical Center) দ্বারা পরিচালিত, 18,300 বর্গফুটের এই কেন্দ্রটি গুরুতর আচরণগত স্বাস্থ্য সমস্যায় ভুগছেন এমন তরুণদের সেবা প্রদানের জন্য একটি অনন্য সহযোগিতার প্রতিনিধিত্ব করে এবং গভর্নর Hochul (হোকল) এর দ্বারা কর্মক্ষম করা মোট ইনপেশেন্ট ধারণক্ষমতা স্টেটব্যাপী 1,000 শয্যায় উন্নীত করবে।

"আমরা এমন পরিবারগুলির জন্য যাদের গুরুতর আচরণগত স্বাস্থ্য পরিষেবায় প্রবেশাধিকার প্রয়োজন এবং আরও গুরুত্বপূর্ণভাবে, গুরুতর মানসিক অসুস্থতায় ভোগা সকল শিশুকে উচ্চমানের পরিচর্যা প্রদান করতে বিকল্প বৃদ্ধি করার জন্য আমরা প্রতিশ্রুতিবদ্ধ," **গভর্নর Hochul (হোকল) বলেন।** "মন্টেফিওর আইনস্টাইন (Montefiore Einstein) এর অত্যাধুনিক শিশু মানসিক স্বাস্থ্য কেন্দ্র আমাদের সম্প্রদায়-ভিত্তিক হাসপাতালগুলির সাথে আমাদের দৃঢ় অংশীদারিত্ব এবং আমাদের তরুণদের সর্বোত্তম সম্ভাব্য পরিচর্যা এবং তাদের পরিবারের জন্য সহায়তা প্রদানের ক্ষেত্রে আমাদের নিরলস প্রতিশ্রুতির প্রতিনিধিত্ব করে।"

1300 ওয়াটার্স প্লেসে (Waters Place) অবস্থিত, মন্টেফিওর আইনস্টাইনের নতুন ইউনিটটি নিউ ইয়র্ক সিটি চিলড্রেন'স সেন্টারের ব্রঙ্কস ক্যাম্পাসে অবস্থিত এবং 5 থেকে 17 বছর বয়সী তরুণদের পরিষেবা দেওয়ার জন্য 21টি শয্যা রয়েছে। নতুন কেন্দ্রটি গুরুতর আচরণগত স্বাস্থ্যগত রোগাবস্থার সাথে যুক্ত যুবাদের জন্য নিবিড় চিকিৎসা প্রদান করবে, যার মধ্যে রয়েছে তীব্র বিষণ্ণতা, উদ্বেগ, ট্রমা, আত্মহত্যার চিন্তাভাবনা, মনোরোগ এবং অন্যান্য তীব্র মানসিক রোগ।

গভর্নর Hochul (হোকল) মানসিক স্বাস্থ্য অফিসের (Office of Mental Health) কমিশনার Dr. Ann Sullivan (ডঃ অ্যান সুলিভান), মন্টেফিওর আইনস্টাইনের প্রেসিডেন্ট এবং প্রধান নির্বাহী কর্মকর্তা Dr. Philip O. Ozuah (ডঃ ফিলিপ ও. ওজুয়া), অ্যাসেসমেন্টমিস্টার Michael Benedetto (মাইকেল বেনেডেটো) এবং অন্যান্য স্থানীয় নির্বাচিত কর্মকর্তাদের সাথে শ্রেণীকক্ষ এবং অন্যান্য চিকিৎসা স্থান সহ নতুন কেন্দ্রটি পরিদর্শনে যোগ দেন। দেখার পর, গভর্নর Hochul (হোকল) ম্যানহাটনের 12 বছর বয়সী Joziah (জোজিয়া)-র সাথে দেখা করেন, যে মানসিক স্বাস্থ্য ব্যবস্থার সাথে তাদের অভিজ্ঞতা ভাগ করে নেওয়ার জন্য, তার মা, Courtney (কোর্টনি)-র সাথে এই সংক্ষিপ্ত উদ্বোধনী অনুষ্ঠানে যোগ দিয়েছিল।

কেন্দ্র কর্তৃক ইনপেশেন্ট ধারণক্ষমতা বৃদ্ধির সাথে সাথে, গভর্নর Hochul (হোকল) এর তত্ত্বাবধানে স্টেট ব্যাপী মানসিক ইনপেশেন্ট শয্যা বৃদ্ধি পেয়ে 1,000টিতে পৌঁছাল। সামগ্রিকভাবে, ব্রঙ্কসে শিশুদের সেবা প্রদানকারী 89টি শয্যা রয়েছে, মন্টেফিওর আইনস্টাইনের নতুন ধারণক্ষমতা বরোর জন্য শিশুদের ইনপেশেন্ট শয্যার প্রায় 31 শতাংশ বৃদ্ধির প্রতিনিধিত্ব করে।

নতুন কেন্দ্রটি স্টেট মানসিক স্বাস্থ্য অফিস থেকে [3.1 মিলিয়ন ডলার](#) মূলধন অনুদান, নিউ ইয়র্ক স্টেটের বিহেভিয়োরাল হেলথ সেন্টারস অফ এক্সিলেন্স ফান্ড (Behavioral Health Centers of Excellence Fund) থেকে 7 মিলিয়ন ডলার এবং অ্যাসেসমেন্টমিস্টার Carl Heastie (কার্ল হিস্টি) এবং অ্যাসেসমেন্টমিস্টার Michael Benedetto (মাইকেল বেনেডেটো)-র কাছ থেকে 6 মিলিয়ন ডলার মূলধন বরাদ্দের দ্বারা তৈরি হয়েছে। এই প্রকল্পটি মন্টেফিওর আইনস্টাইনের নিজস্ব অনুদান এবং স্টেটের অ্যাটর্নি জেনারেল Letitia James (লেটিশিয়া জেমস) এর অতিরিক্ত তহবিল থেকেও সমর্থন পেয়েছে।

এই কেন্দ্রটি তরুণ রোগীদের সরাসরি মতামত নিয়ে তৈরি করা হয়েছে এবং ব্রঙ্কসে বসবাসকারী পাঁচ থেকে 17 বছর বয়সী শিশুদের মধ্যে আনুমানিক 21 শতাংশের মধ্যে আচরণগত স্বাস্থ্য সমস্যা ধরা পড়েছে বলে এলাকার চাহিদার কারণে বিশেষ করে বরোতে গড়ে তোলা হয়েছে। নতুন কেন্দ্রটি ব্রঙ্কস রোগীদের পরিচর্যা এবং বহির্বিভাগীয় চিকিৎসার ধারাবাহিকতা উন্নত করবে, সমাজকর্মী, নার্স, মনোবিজ্ঞানী এবং মনোরোগ বিশেষজ্ঞদের অন্তর্ভুক্ত করে বহুমুখী কর্মীদের জন্য একটি ওয়ার্কফোর্স পাইপলাইন তৈরি করবে এবং মেডিকেল শিক্ষার্থী এবং অন্যান্য পেশাদার স্বাস্থ্যসেবা প্রদানকারীদের জন্য আরো উন্নত প্রশিক্ষণ প্রদান করবে।

নিউ ইয়র্ক স্টেট অফিস অফ মেন্টাল হেলথ কমিশনার Dr. Ann Sullivan (ডঃ অ্যান সুলিভান) বলেন, “নিউ ইয়র্ক স্টেট, শিশু এবং তরুণদের মানসিক অসুস্থতা থেকে সেরে উঠতে সহায়তা করার জন্য দৃঢ়ভাবে প্রতিশ্রুতিবদ্ধ যাতে তারা তাদের সম্প্রদায়ে বসবাস করতে এবং উন্নতি করতে পারে। মন্টেফিওর আইনস্টাইনের প্রকল্প ব্রঙ্কসে অত্যন্ত প্রয়োজনীয় ইনপেশেন্ট ধারণক্ষমতা যুক্ত করছে, যা এই এলাকা জুড়ে আমাদের সম্প্রসারিত বহু বহির্বিভাগীয় পরিষেবা এবং সহায়তার পরিপূরক হবে। গভর্নর Hochul (হোকল) এর নেতৃত্বে, আমরা ব্রঙ্কসে আমাদের শিশুদের এবং পরিবারের জন্য উচ্চমানের পরিষেবা প্রদানের জন্য শয্যা সম্প্রসারণ করছি এবং আমাদের পরিচর্যা নেটওয়ার্ককে শক্তিশালী করছি।”

নিউ ইয়র্ক স্টেট হেলথ কমিশনার Dr. James McDonald (ডঃ জেমস ম্যাকডোনাল্ড) বলেন, “মন্টেফিওর মেডিকেল সেন্টার দ্বারা পরিচালিত এই নতুন কেন্দ্রটি মানসিক স্বাস্থ্যের ফলাফল উন্নত করবে, যা শেষ পর্যন্ত সামগ্রিক স্বাস্থ্যের ফলাফলের উন্নতি ঘটাবে। গভর্নর Hochul (হোকল) আবারও আমাদের কমিউনিটি-ভিত্তিক হাসপাতাল এবং সুযোগ-সুবিধাগুলিকে সমর্থন করার জন্য তার অটল প্রতিশ্রুতি প্রদর্শন করেছেন যাতে তারা যে সম্প্রদায়গুলিতে সেবা প্রদান করেন সেখানে উচ্চমানের পরিচর্যা প্রদান অব্যাহত রাখার ক্ষমতা নিশ্চিত করতে পারে।”

স্টেট সিনেটর Gustavo Rivera (গুস্তাভো রিভেরা) বলেন, “মন্টেফিওর মেডিকেল সেন্টারের সাথে অংশীদারিত্বের মাধ্যমে ব্রঙ্কসে এই নতুন যুব কেন্দ্রিক ইনপেশেন্ট মনোরোগ-সংক্রান্ত কেন্দ্রটি খোলার জন্য আমি গভর্নর Hochul (হোকল) এবং তার প্রশাসনকে ধন্যবাদ জানাতে চাই। এই ইউনিটটি চিকিৎসা এবং অন্যান্য মানসিক স্বাস্থ্য পরিষেবা প্রদানের মাধ্যমে অগণিত তরুণ ব্রঙ্কসবাসীদের জটিল আচরণগত স্বাস্থ্যগত চাহিদা পূরণে সহায়তা করবে। স্বাস্থ্যসেবার ক্ষেত্রে আমরা যখন অত্যন্ত অনিশ্চিত পরিস্থিতির মধ্য দিয়ে যাচ্ছি, তখন আমাদের স্টেটকে অবশ্যই আমাদের ব্যবস্থায় এই বিনিয়োগগুলি করতে হবে যাতে সম্প্রদায়গুলির তাদের প্রয়োজনীয় সমস্ত পরিচর্যা পাওয়া নিশ্চিত করা যায়।”

স্টেট সিনেটর Nathalia Fernandez (নাথালিয়া ফার্নান্দেজ) বলেন, “কোনও তরুণেরই মুখ বুজে মানসিক স্বাস্থ্যের সাথে লড়াই করা উচিত নয়। এই নতুন শিশুদের মানসিক স্বাস্থ্য কেন্দ্রটি উদ্বোধনের ফলে ব্রঙ্কসের পরিবারগুলি এমন একটি জায়গা পাবে যেখানে পরিচর্যা সহানুভূতিশীল, চিকিৎসা কার্যকর এবং সহায়তা সর্বদা নাগালের মধ্যে থাকবে। এই কেন্দ্রটি তরুণ এবং তাদের সবচেয়ে কঠিন মুহূর্তগুলির সম্মুখীন হওয়া পরিবারগুলিকে আশা প্রদান করে এবং তাদের মনে করিয়ে দেয় যে তারা একা নন। যখন আধুনিক জীবনের চাপ এবং অবিраম যোগাযোগ আমাদের শিশুদের উপর গুরুতর প্রভাব ফেলছে, ঠিক সেই সময়ে এই বিনিয়োগটি মানসিক স্বাস্থ্য সংক্রান্ত চ্যালেঞ্জগুলির সম্মুখীন হওয়া অনেক পরিবারের ক্ষেত্রে একটি বিচক্ষণ এবং সমন্বয়যোগী প্রতিক্রিয়া।”

অ্যাসেম্বলি স্পিকার Carl E. Heastie (কার্ল ই. হিস্টি) বলেন, “কিশোর কিশোরীদের মানসিক স্বাস্থ্য আমাদের সিটিতে একটি গুরুত্বপূর্ণ উদ্বেগের বিষয়। ব্রঙ্কসে শিশুদের মানসিক স্বাস্থ্য কেন্দ্রের এই ঘোষণাটি উদ্বেগ, বিষণ্ণতা এবং আরও অনেক মানসিক সমস্যার ঝুঁকিপূর্ণ একটি সম্প্রদায়ের জন্য একটি অত্যন্ত প্রয়োজনীয় সম্পদ। আমি গভর্নর Kathy Hochul (ক্যাথি হোকল) কে ধন্যবাদ জানাতে চাই যে তিনি সম্প্রদায়ের চাহিদার প্রতি অব্যাহত মনোযোগ দিয়েছেন এবং আমাদের যুব সমাজের সামগ্রিক কল্যাণের উপর দৃষ্টি নিবদ্ধ করে কর্মসূচি ও প্রতিষ্ঠান প্রতিষ্ঠা করেছেন। তরুণদের মানসিক স্বাস্থ্য রক্ষা করা এমন একটি বিনিয়োগ যা সরকার, অলাভজনক সংস্থা এবং স্বাস্থ্যসেবা প্রদানকারীদের মতো সকল অংশীদারদের সমন্বয় এবং প্রচেষ্টার দাবি করে। ব্রঙ্কসের প্রতি অংশীদারিত্ব এবং প্রতিশ্রুতির জন্য মন্টেফিওর হেলথকে ধন্যবাদ।”

অ্যাসেম্বলিমেন্সার Jeffrey Dinowitz (জেফ্রি ডিনোভিটজ) বলেন, “গভর্নর Hochul (হোকল) এবং নিউ ইয়র্ক স্টেটের নির্বাচিত কর্মকর্তারা আবারও আমাদের তরুণদের জন্য মানসিক স্বাস্থ্য পরিষেবা সম্প্রসারণকে অগ্রাধিকার দিয়েছেন। ব্রঙ্কসে এই 21 শয্যাবিশিষ্ট কেন্দ্রটি উদ্বোধন আমাদের শিশু এবং পরিবারের কল্যাণের জন্য একটি গুরুত্বপূর্ণ বিনিয়োগ। এই নতুন

কেন্দ্রটি জীবন রক্ষাকারী চিকিৎসার সুযোগ সম্প্রসারণ করবে এবং গুরুতর আচরণগত স্বাস্থ্য সংক্রান্ত চ্যালেঞ্জের সম্মুখীন হওয়া তরুণরা যাতে তাদের প্রাপ্য সহানুভূতিশীল, ব্যাপক এবং সময়োপযোগী পরিচর্যা পায় তা নিশ্চিত করবে। সকল নিউ ইয়র্কবাসীর মানসিক স্বাস্থ্যের চাহিদা পূরণ করাই আমাদের মহান স্টেটের সাফল্যের একমাত্র উপায় এবং ব্রঙ্কসের এই নতুন কেন্দ্রটি সেই দিকে একটি প্রয়োজনীয় পদক্ষেপ।"

অ্যাসেম্বলিমেন্টার Michael Benedetto (মাইকেল বেনেডেটো) বলেন, "দীর্ঘদিন ধরে, ব্রঙ্কস পরিবারগুলির সন্তানরা মানসিক স্বাস্থ্য সংকটের সম্মুখীন হলে তাদের কাছে বিকল্প খুবই সীমিত ছিল। মন্টেফিওর আইনস্টাইনের এই নতুন ইনপেশেন্ট সেন্টারটি আমাদের তরুণদের নিরাময়, পুনরুদ্ধার এবং তাদের চাহিদা বোঝান এমন বিশেষজ্ঞদের দ্বারা সমর্থিত হওয়ার জায়গা দিয়ে সেটিকে বাস্তব রূপদান করবে। "মন্টেফিওরের নেতৃত্বের জন্য আমি আন্তরিকভাবে কৃতজ্ঞ এবং এই প্রকল্পটি নিশ্চিত করার জন্য স্পিকার Heastie (হিস্টি) এবং গভর্নর Hochul (হোকল) এর সাথে কাজ করতে পেরে সম্মানিত, যা যুব মানসিক স্বাস্থ্যসেবাকে আরও সহজলভ্য এবং ন্যায্য করার ক্ষেত্রে একটি বড় পদক্ষেপ।"

অ্যাসেম্বলিমেন্টার Jo Anne Simon (জো অ্যান সাইমন) বলেন, "এই নতুন যুবা ইনপেশেন্ট কেন্দ্রটি মানসিক স্বাস্থ্য চ্যালেঞ্জের সম্মুখীন তরুণদের জন্য সহানুভূতিশীল পরিচর্যা প্রদান করবে। ব্রঙ্কসে ইনপেশেন্ট ধারণক্ষমতা বৃদ্ধির মাধ্যমে, আমরা পরিচর্যার ধারাবাহিকতা জোরদার করছি এবং নিশ্চিত করছি যে শিশুরা তাদের সম্প্রদায়ে তাদের প্রয়োজনীয় সহায়তা পায়। "একটি শক্তিশালী, আরও প্রতিক্রিয়াশীল মানসিক স্বাস্থ্য ব্যবস্থা গড়ে তোলার জন্য গভর্নর Hochul (হোকল) এর অটল নির্ণায়ক জন্য আমি তাকে সাধুবাদ জানাই।"

এই নতুন কেন্দ্রটি মানসিক স্বাস্থ্য পরিষেবা এবং তরুণ নিউ ইয়র্কবাসীদের সহায়তায় গভর্নর Hochul (হোকল) এর বিনিয়োগের দৃঢ় রেকর্ড অব্যাহত রেখেছে। স্টেট পরিচালিত মনোরোগ কেন্দ্রগুলিতে ইনপেশেন্ট ধারণক্ষমতা উল্লেখযোগ্যভাবে বৃদ্ধি – যা কয়েক দশকের মধ্যে সবচেয়ে বেশি, তার পাশাপাশি - তিনি ব্যক্তিদের আরোগ্য লাভের সময় সহায়তা করার জন্য পরিকল্পিত বহির্বিভাগীয় প্রোগ্রামগুলিকে ব্যাপকভাবে সম্প্রসারিত করেছেন।

তরুণ নিউ ইয়র্কবাসীদের মানসিক স্বাস্থ্য রক্ষায় গভর্নর Hochul (হোকল) দেশের মধ্যে অগ্রগণ্য অঙ্গীকারের ফলে যুব পরিষেবা এবং সহায়তায় বড় বিনিয়োগ হয়েছে। তার 1 বিলিয়ন ডলারের মানসিক স্বাস্থ্য উদ্যোগ এবং পরবর্তী বাজেটে লক্ষাধিক ডলারের তহবিল ইনপেশেন্ট এবং আবাসিক চিকিৎসার ক্ষমতা বৃদ্ধি থেকে শুরু করে তরুণদের বাড়িতে এবং তাদের সম্প্রদায়ে থাকতে সহায়তা করার জন্য পরিকল্পিত সম্প্রদায়-ভিত্তিক পরিষেবা তৈরি পর্যন্ত-তরুণ এবং তাদের পরিবারের জন্য পরিচর্যার সুযোগ উল্লেখযোগ্যভাবে প্রসারিত করেছে।

OMH এখন 20টি ইয়ুথ অ্যাসার্টিভ কমিউনিটি ড্রিটমেন্ট (Youth Assertive Community Treatment) টিমকে অর্থায়ন করে, যারা যুব ও পারিবারিক থেরাপি প্রদান করে, ওষুধ ব্যবস্থাপনা করে, পরিবার ও সহকর্মীদের সহায়তা এবং দক্ষতা বৃদ্ধি করে। সংস্থাটি ব্রঙ্কসে দুটি ইয়ুথ ACT টিমকে সহায়তা করে, যার মধ্যে একটি 36 জন যুবককে পরিষেবা প্রদান করে এবং অন্যটি বিকাশাধীন।

গভর্নর Hochul (হোকল) এছাড়াও স্কুলভিত্তিক মেন্টাল হেলথ ক্লিনিক বাড়িয়েছেন, যা স্টুডেন্টদেরকে একটি পরিচিত স্টিগমামুক্ত সেটিংয়ে তাদের স্কুল ক্যাম্পাসে একজন লাইসেন্সপ্রাপ্ত মেন্টাল হেলথ কেয়ার প্রোভাইডার পেতে সাহায্য করে। স্টেট এখন 1,265টি ক্লিনিক স্যাটেলাইটকে সমর্থন করে, যার মধ্যে 50টি বর্তমানে ব্রঙ্কসের স্কুলগুলিতে পরিচালিত হচ্ছে।

OMH এখন 55টি গৃহভিত্তিক সংকট মোকাবেলা (Home Based Crisis Intervention) টিমকে সমর্থন করে, যারা 5 থেকে 20 বছর বয়সী তরুণদের পরিষেবা দেয় এবং পরিবারগুলিকে তাদের নিজের বাড়িতে মানসিক অসুস্থতা থেকে সেরে ওঠা তরুণদের রক্ষণাবেক্ষণ করতে সহায়তা করার জন্য নিবিড় ব্যক্তিগতকৃত পরিষেবা প্রদান করে। ব্রঙ্কসে এখন দুটি দল কাজ করছে যারা এই বছর এখনও পর্যন্ত 200টি পরিবারের সাথে সম্মিলিতভাবে কাজ করেছে।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)